

ЗЕФАНИА

[1]

¹Иудагийн хаан, Амоны хүү Иосиагийн өдрүүдэд Хезекиагийн хүү, Амариагийн хүү, Гедалиагийн хүү, Кушийн хөвгүүн болох Зефаниад ирсэн ЭЗЭНий үг.

²"Би газрын гадаргуунаас бүх зүйлсийг бүрэн зайлуулах болно" гэж ЭЗЭН тунхаглаж байна.

³"Би хүн ба амьтныг зайлуулах болно.

Би тэнгэрийн шувуудыг, далайн загаснуудыг, балгаснуудыг хилэнцтэний хамт зайлуулах болно.

Би газрын гадаргуунаас хүнийг таслах болно" гэж ЭЗЭН тунхаглаж байна.

⁴"Тиймээс Би Өөрийн мутрыг Иудагийн эсрэг болон Иерусалимын бүх оршин суугчдын эсрэг сунгана.

Би Баалын үлдэгдлийг мөн шүтээний тахилч нарын нэрсийг тахилч нартай хамт энэ газраас таслах болно.

⁵Байшингийн дээвэр дээр тэнгэрийн эрхэст мэхийдэг, доошоо бөхийж ЭЗЭНд тангарагладаг боловч Милкомоор тангарагладаг,

⁶ЭЗЭНийг дагахаас эргэн больсон,

ЭЗЭНийг хайгаагүй, эсвэл Түүнээс асуугаагүй хүмүүсийг Би таслах болно".

⁷Эзэн БУРХАНЫ өмнө чимээгүй бай!

Учир нь ЭЗЭНий өдөр ойрхон байна.

Учир нь ЭЗЭН тахилыг бэлтгэсэн,

Тэр Өөрийн зочдоо ариусгасан.

⁸Дараа нь ЭЗЭНий тахилын өдөр ирэхэд

Би хааны хөвгүүд болох жононгуудыг ба

өөрсдийгөө харийн хувцсаар хувцасласан бүх хүмүүсийг шийтгэх болно.

⁹Сүмийн босгон дээр дэвхэцдэг бүх хүмүүсийг болон

эзнийхээ гэрийг хүчирхийлэл, худал хуурмагаар дүүргэдэг хүмүүсийг

Би тэр өдөр шийтгэх болно.

¹⁰ЭЗЭН тунхаглаж байна.

"Тэр өдөр Загасны Дааман хаалганаас хашхирах дуу,
Хоёрдугаар Дүүргээс гашуудал, толгодоос чанга нижигнээн сонсогдох
болно.

11 Худалдааны дүүрэгт оршин суугчид аа, гашуудагтун.

Учир нь Канааны бүх хүмүүс чимээгүй болгогдоно.

Мөнгийг хэмждэг бүх хүн таслагдах болно.

12 Тэр цагт Би дэнлүүнүүдтэйгээр Иерусалимыг нэгжин,
сүнсээр зогсонги хүмүүсийг шийтгэх болно.

Тэд өөрсдийнхөө зүрхэнд «ЭЗЭН сайныг ч, мууг ч хийхгүй» гэдэг.

13 Цаашилбал, тэдний баялаг нь олз болж,
тэдний байшингууд эзгүйрнэ.

Тийм ээ, тэд байшингуудыг барих боловч тэндээ амьдрахгүй,
усан үзмийн талбай байгуулах боловч дарснаасаа уухгүй".

14 ЭЗЭНий агуу өдөр ойрхон байна.

Ойрхон бөгөөд маш хурдан ирж байна.

ЭЗЭНий өдөр, сонс!

Тэнд дайчин нь цурхиран уйлж байна.

15 Тэр өдөр бол хилэнгийн өдөр,
бэрхшээл, зовлонгийн өдөр,
эвдрэл, эзгүйрлийн өдөр,
хар, түнэр харанхуйн өдөр,
үүлс, өтгөн харанхуйн өдөр,

16 бүрээ, дайтах уухайны өдөр юм.

Энэ нь бэхлэгдсэн хотуудын эсрэг өндөр булант цамхгуудын эсрэг өдөр
юм.

17 Би хүмүүст зовлонг авчирна.

Ингэснээр тэд сохор хүн шиг алхах болно.

Учир нь тэд ЭЗЭНий эсрэг нүгэл үйлджээ.

Тэдний цус нь шороо мэт,
махан бие нь баас мэт асгагдах болно.

18 ЭЗЭНий хилэнгийн өдөр

тэдний мөнгө нь ч, алт нь ч тэднийг чөлөөлөх боломжгүй болно.

Түүний хардалтын галд бүх дэлхий цөлмөгдөх болно.

Учир нь дэлхийн бүх оршин суугчдын бүрэн төгсгөлийг,
үнэхээр сүрдмээр төгсгөлийг Тэр хийх болно.

[2]

¹ Ичгүүргүй үндэстэн ээ, хамтдаа цугларцгаа, тийм ээ цуглар.

² Зарлиг нь хэрэгжихээс өмнө,
(Өдөр нь будааны хальс мэт хийсэн өнгөрч байна.)

ЭзЭний шатаж буй уур чам дээр ирэхээс өмнө,
ЭзЭний хилэнгийн өдөр чам дээр ирэхээс өмнө цуглар.

³ Дэлхийн бүхий л даруу хүмүүс ээ, та нар ЭзЭнийг хай.
Түүний захирамжийг тээж ирсэн хүмүүс ээ,
зөв шударгыг хай, төлөв байдлыг хай.

Магадгүй ЭзЭний уурын өдөр та нар нуугдсан байх болно.

⁴ Учир нь Газ хаягдаж,
Ашкелон эзгүйрч,
Ашдод үд дунд хөөгдөж,
Екрон үндсээрээ сугалагдана.

⁵ Далайн эргийн оршин суугчид,
херетчүүдийн үндэстэн нь гаслантай яа.
Филистчүүдийн нутаг, Канаан аа,
ЭзЭний үг чиний эсрэг байна.

Би чамайг устгаж, тэнд ямар ч оршин суугчгүй болгоно.

⁶ Тиймээс далайн эрэг нь хоньчдод зориулж агуйтай,
хонин сүрэгт зориулж хороотой бэлчээрүүд болно.

⁷ Эрэг нь Иудагийн гэрийн үлдэгсдэд зориулагдана.
Тэд тэнд бэлчих болно.

Үдэш тэд Ашкелоны гэрүүдэд хэвтэнэ.

Учир нь тэдний Бурхан ЭзЭН тэднийг халамжилж,
тэдний амжилтыг сэргээнэ.

⁸ Би Моабын элэглэлийг,
Аммоны хөвгүүдийн доромжлолыг сонслоо.
Үүгээрээ тэд Миний ард түмнийг элэглэж,
нутаг дэвсгэрийнх нь эсрэг ихэмсэг болсон.

⁹ Израилийн Бурхан, түмэн цэргийн ЭзЭН тунхаглаж байна.
"Тиймээс Би Өөрийн амьд буйгаар тангараглая.
Моаб нь үнэхээр Содом шиг,
Аммоны хөвгүүд нь Гоморра шиг болно.
Халгай болон давсан нүхэнд эзлэгдсэн газар,

дуусашгүй эзгүйрэл болно.

Миний ард түмний үлдэгдэл нь тэднийг дээрэмдэж,

Миний үндэстний үлдэгсэд нь тэднийг өвлөх болно".

10 Тэд элэглэж, түмэн цэргийн ЭЗЭНий ард түмний эсрэг ихэмсэг болсон учраас бардам зангиинхаа хариуд тэд үүнийг авах болно. **11** ЭЗЭН тэдэнд аймшигтай байх болно. Учир нь Тэр дэлхийн бүх бурхдыг турална. Үндэстнүүдийн бүх далайн эргүүд өөрсдийнхөө газраас Түүнд бөхийх болно.

12 "Етиопчууд аа, та нар мөн Миний илдэнд алагдана".

13 Тэр Өөрийн мутрыг умардын эсрэг сунган,
Ассирийг устгаж, Ниневег эзгүйрүүлэн, цөл мэт хатаана.

14 Ниневегийн төвд хонин сүргүүд,
төрөл бүрийн араатнууд хэвтэнэ.

Хотон шувуу, зараа хоёулаа багануудынх нь орой дээр хоноглоно.
Шувууд цонхон дээр дуулна.

Эзгүйрэл нь босгон дээр байна.

Учир нь Тэр хуш модон туургыг нүцгэлсэн.

15 Энэ бол аюулгүй оршдог, баяр хөөртэй хот юм.

Тэр зүрхэндээ "Би байна, миний дэргэд өөр хэн ч байхгүй" гэдэг.

Тэр яаж эзгүйрэн, араатнуудын амардаг газар болсон юм бол!

Түүгээр өнгөрөх хүн бүр исгэрэн, гараараа зэвүүцэн даллах болно.

[3]

1 Тэрслүү, бузартсан, хэрцгий хот гаслантай яа!

2 Тэр ямар ч дуу хоолойг дагаагүй,
ямар ч зааврыг хүлээн аваагүй.

Тэр ЭЗЭНд итгээгүй, өөрийнхөө Бурханд ойртоогүй.

3 Хотын доторх жононгууд нь ахирагч арслангүүд,
шүүгчид нь үдшийн чононууд юм.

Тэд өглөө юу ч үлдээдэггүй.

4 Эш үзүүлэгчид нь бодлогогүй, урвагч хүмүүс бөгөөд тахилч нар нь ариун газрыг бузарлажээ.

Тэд хуулийг завхруулжээ.

5 Хотын дотор ЭЗЭН зөв шударга юм.

Тэр шударга бус зүйлийг хийхгүй.

Өглөө бүр Тэр Өөрийн шударга ёсыг гэрэлд авчирдаг,

Тэр унадаггүй.

Харин шударга бус нь ичгүүрийг мэддэггүй.

6"Би үндэстнүүдийг таслав.

Тэдний булант цамхгууд балгас болжээ.

Би тэдний гудамжуудыг эзгүйрүүлсэн бөгөөд хэн ч түүгээр өнгөрөхгүй.

Тэдний хотууд нь хүнгүй, оршин суугчгүй хоосон хаягджээ.

7«Үнэхээр чи Намайг хүндэтгэж,

зааврыг хүлээн авах болно» гэж Би айлдсан.

Тэгвэл түүний талаарх Миний товлосон бүхний дагуу түүний амьдрах газар нь таслагдахгүй байх болно.

Гэвч тэд өөрсдийн бүх үйлдлийг завхруулахыг хүссэн.

8Тиймээс Би олzonд босож ирэх өдөр Намайг хүлээ" гэж ЭЗЭН тунхаглаж байна.

"Үнэхээр үндэстнүүдийг цуглувуулж, хаанчлалуудыг чуулувуулж, Миний шатаж буй бүх уурыг,

Миний зэвүүцлийг тэдэн дээр асгах нь Миний шийдвэр юм.

Учир нь бүх дэлхий Миний зүтгэлийн галаар цөлмөгдөх болно.

9Дараа нь Би ард түмнүүдэд ариусгагдсан уруулыг өгнө.

Тэгснээр тэд бүгд мөр зэрэгцэн Түүнд үйлчлэхээр ЭЗЭНий нэрийг дуудах юм.

10Надад мөргөгчид, Миний тараасан хүмүүс

Етиопийн голуудын чанадаас Миний өргөлийг авчрах болно.

11Миний эсрэг тэрсэлсэн та нарын бүх үйлдлээс болж

ямар ч ичгүүрийг тэр өдөр та нар мэдрэхгүй байх болно.

Учир нь Би та нарын дундаас бардам, хөөрүү хүмүүсийг чинь

зайлуулахад

та нар Миний ариун уулан дээр дахин хэзээ ч ихэмсэг байхгүй.

12Гэвч Би та нарын дунд даруу болон дорд хүмүүсийг үлдээж,

тэд ЭЗЭНий нэрд хоргodoх болно.

13Израилийн үлдэгдэл ямар ч бурууг үйлдэхгүй, ер худал ярихгүй.

Тэдний аманд мэхлэгч хэл олдохгүй.

Учир нь тэднийг чичрүүлэх хэн ч байхгүй бөгөөд тэд хооллож, хэвтэх болно".

14 Сионы охин oo, баяр хөөртэйгээр хашхир!

Израиль aa, уухай хадаа!

Иерусалимын охин oo, баясан, бүх зүрхээрээ баярла!

15 ЭЗЭН чиний шийтгэлүүдийг зайлцуулжээ.

Тэр дайснуудыг чинь зайлцуулсан.

Израилийн Хаан, ЭЗЭН та нарын дунд байна.

Чи цаашид өвчнөөс айхгүй.

16 Тэр өдөр Иерусалимд хандан

"Сион oo, бүү ай. Гараа бүү унжуул.

17 Чиний Бурхан ЭЗЭН, аврагч дайчин, та нарын дунд байна.

Тэр та нарын дээр баясал хөөртэйгөөр баярлана.

Тэр Өөрийн хайр дотроо чимээгүй байна.

Тэр та нарын дээр баярын уухайгаар баясах болно.

18 Товлосон найр наадмуудын талаар гашуудагсдыг Би цуглуулах болно.

Тэд чамаас ирсэн, Сион oo!

Цөллөгийн зэмлэл нь тэдний дээрх ачаа юм.

19 Харагтун, Би тэр цагт та нарын бүх дарлагч нартай тооцоо хийх гэж байна.

Би доголонг аварч, хөөгдөгсдийг цуглуулж,

бүх дэлхийд тэдний ичгүүрийг магтаал болон яруу алдраар солино.

20 Тэр цагт буюу Би та нарыг хамтад нь цуглуулах цагт Би та нарыг оруулна.

Үнэхээр Би дэлхийн бүх ард түмнүүдийн дунд та нарт яруу алдар болон магтаалыг өгнө.

Тэр үед Би та нарын нүдний өмнө амжилтыг чинь сэргээх болно" гэж ЭЗЭН айлдаж байна.